

豪情千古

——毛泽东诗词硬笔书法字帖

中国劳动出版社

豪情千古——

毛泽东诗词硬笔书法字帖

(京)新登字 114 号

豪情千古
——毛泽东诗词硬笔书法字帖

责任编辑:黄冶

中国劳动出版社出版

(100029 北京市朝阳区惠新东街 1 号)

北京地质印刷厂印刷

新华书店总店北京发行所发行

787×1092 毫米 32 开本 4.5 印张

1994 年 7 月北京第 1 版 1994 年 7 月北京第 1 次印刷

印数:4300 册

ISBN 7-5045-1472-X/J · 010 定价:3.90 元

贺新郎

挥手从兹去。更那堪、凄然
相向，苦情重诉。眼角眉
梢都似恨，热泪欲零还住。
知误会前番书语。过眼滔
滔云共雾，算人间知己吾
和汝。人有病，天知否？

今朝霜重东门路，照横
塘半天残月，凄清如许。
汽笛一声肠已断，从此天
涯孤旅。凭割断愁丝恨缕。
要似昆仑崩绝壁，又恰象

台风扫寰宇。重比翼，和
云翥。

沁园春·长沙

独立寒秋，湘江北去，橘
子洲头。看万山红遍，层
林尽染；漫江碧透，百舸
争流。鹰击长空，鱼翔浅
底，万类霜天竞自由。怅
寥廓，问苍茫大地，谁主
沉浮？携来百侣曾游。
忆往昔峥嵘岁月稠。恰同

学少年，风华正茂；书生意气，挥斥方遒。指点江山，激扬文字，粪土当年万户侯。曾记否，到中流击水，浪遏飞舟。

菩萨蛮·黄鹤楼

茫茫九派流中国，沉沉一线穿南北。烟雨莽苍苍，龟蛇锁大江。黄鹤知何去，剩有游人处。把酒酹滔滔，心潮逐浪高。

西江月·井冈山

山下旌旗在望，山头鼓角
相闻。敌军围困万千重，
我自岿然不动。早已森
严壁垒，更加众志成城。
黄洋界上炮声隆，报道敌
军宵遁。

清平乐·蒋桂战争

风云突变，军阀重开战。
洒向人间都是怨，一枕黄
粱再现。红旗跃过汀江，

直下龙岩上杭。收拾金瓯
一片，分田分地真忙。

采桑子·重阳

人生易老天难老，岁岁重
阳。今又重阳，战地黄花
分外香。一年一度秋风
劲，不似春光。胜似春光，
寥廓江天万里霜。

如梦令·元旦

宁化、清流、归化，路隘

林深苔滑。今日向何方，
直指武夷山下。山下山下，
风展红旗如画。

减字木兰花·广昌路上

漫天皆白，雪里行军情更
迫。头上高山，风卷红旗
过大关。此行何去，赣
江风雪迷漫处。命令昨颁，
十万工农下吉安。

蝶恋花·从汀州向长沙

六月天兵征腐恶，万丈长

缨要把鲲鹏缚。赣水那边

红一角，偏师借重黄公略。

百万工农齐踊跃，席卷

江西直捣湘和鄂。国际悲

歌歌一曲，狂飙为我从天

落。

渔家傲·反第一次大“围剿”

万木霜天红烂漫，天兵怒

气冲霄汉。雾满龙冈千嶂

暗，齐声唤，前头捉了张

辉瓚。二十万军重入赣，
风烟滚滚来天半。唤起工
农千百万，同心干，不周
山下红旗乱。

渔家傲·反第二次大“围剿”

白云山头云欲立，白云山
下呼声急，枯木朽株齐努
力。枪林逼，飞将军自重
霄入。七百里驱十五日，
赣水苍茫闽山碧，横扫千
军如卷席。有人泣，为营

步步嗟何及！

菩萨蛮·大柏地

赤橙黄绿青蓝紫，谁持彩
练当空舞。雨后复斜阳，

关山阵阵苍。当年鏖战
急，弹洞前村壁。装点此
关山，今朝更好看。

清平乐·会昌

东方欲晓，莫道君行早。
踏遍青山人未老，风景这

边独好。 会昌城外高峰，
颠连直接东溟。战士指看
南粤，更加郁郁葱葱。

十六字令三首

山，快马加鞭未下鞍。惊
回首，离天三尺三。

山，倒海翻江卷巨澜。奔
腾急，万马战犹酣。

山，刺破青天锷未残。天
欲堕，赖以拄其间。

忆秦娥·娄山关

西风烈，长空雁叫霜晨月。

霜晨月，马蹄声碎，喇叭

声咽。雄关漫道真如铁，

而今迈步从头越。从头越，

苍山如海，残阳如血。

七律·长征

红军不怕远征难，万水千

山只等闲。五岭逶迤腾细

浪，乌蒙磅礴走泥丸。金

沙水拍云崖暖，大渡桥横

铁索寒。更喜岷山千里雪，
三军过后尽开颜。

念奴娇·昆仑

横空出世，莽昆仑，阅尽
人间春色。飞起玉龙三百
万，搅得周天寒彻。夏日
消溶，江河横溢，人或为
鱼鳖。千秋功罪，谁人曾
与评说？而今我谓昆仑：
不要这高，不要这多雪。
安得倚天抽宝剑，把汝裁

为三截：一截遗欧，一截
赠美，一截还东国。太平
世界，环球同此凉热。

清平乐·六盘山

天高云淡，望断南飞雁。
不到长城非好汉，屈指行
程二万。六盘山上高峰，
红旗漫卷西风。今日长缨
在手，何时缚住苍龙。

沁园春·雪

北国风光，千里冰封，万里雪飘。望长城内外，惟余莽莽；大河上下，顿失滔滔。山舞银蛇，原驰蜡象，欲与天公试比高。须晴日，看红装素裹，分外妖娆。江山如此多娇，引无数英雄竞折腰。惜秦皇汉武，略输文采；唐宗宋祖，稍逊风骚。一代天骄，成吉思汗，只识弯弓射大雕。俱往矣，数风流